



ՀՀ, Երևան 0010, Կառավարական 3-րդ մասնաշենք,  
«Հայաստան» համահայկական հիմնադրամ  
Հասարակայնության հետ կապերի բաժին  
Հեռ: + (374 10) 521505  
[pr@himmadram.org](mailto:pr@himmadram.org)  
[www.himmadram.org](http://www.himmadram.org)

## Մամլո հաղորդագրություն

### **Ֆրանսահայերի միասնական ջանքերով Արցախի 3 գյուղերում կառուցվում են համայնքային կենտրոններ**

**Երևան, 18 հունիսի, 2015թ.**: «Հայաստան» համահայկական հիմնադրամի Ֆրանսիայի տեղական մարմնի հովանավորությամբ Լեռնային Ղարաբաղի Կյուրաթաղ /Ջադրութի շրջան/, Գետավան /Մարտակերտի շրջան/ եւ Սարգսաշեն



/Մարտունու շրջան/ գյուղերում մեկնարկել են համայնքային կենտրոնների կառուցման աշխատանքները: Ծրագրերը համաֆինանսավորվում են ԼՀՀ կառավարության կողմից:

Այս համայնքների բնակիչները՝ շուրջ 1030 մարդ, հիմնականում զբաղվում են հողագործությամբ եւ անասնապահությամբ: Մեկ հարկի տակ բուժկետի, գրադարանի, հանդիսասրահի ու գյուղապետարանի

կենտրոնացումը նպատակ ունի արդյունավետ դարձնել այս ենթակառուցվածքների շահագործումն ու տնտեսվարումը: Շնորհակալություն հայտնելով Ֆրանսիայի մեր հայրենակիցներին՝ համայնքների ղեկավարները հավաստում են, որ այս ձեռնարկն արդեն իսկ ոգեւորել է բնակիչներին:

«Մեր նախաձեռնություններով հայ գյուղացուն սատարելը, լինի դա Հայաստանում, թե Արցախում, մեր հիմնական ուղղությունն է եւ առաջնահերթությունը», - ասում է «Հայաստան» հիմնադրամի գործադիր տնօրեն Արա Վարդանյանը:

«Հայաստան» համահայկական հիմնադրամը շահույթ չհետապնդող կազմակերպություն է, որը հիմնվել է 1992թ. մարտի 3-ին՝ Հայաստանում եւ Լեռնային Ղարաբաղում բարեսիրական օգնության եւ ենթակառուցվածքների զարգացման նպատակով: Այն աշխարհում ներկայանում է իր 25 գրասենյակներով: